

est. Mensa Episcopalis solvat viginti quatuor libras, septem solidos, & decem denarios, ratione partis fructuum primitiarum, & decimalium, quam ex dicto Oppido recipit, quinquaginta novem libris, quindecim solidis, & tribus denariis legitima liquidatione aestimata. Archidiaconus major Segobricen. solvat quinque libras sexdecim solidos, duos denarios, videlicet duas libras, octo solidos, & decem denarios ratione Undenae partis decimarum ad suam dignitatem pertinentes, & tres libras, septem solidos, & quatuor denarios ad dignitatem pertinentis, quae partes insimul valoris sunt quatuordecim librarum trium solidorum, & decem denariorum. Theaurarii dignitas Ecclesiae Segobricensis, solvat tres libras, septem solidos, & quatuor denarios ratione partis primitiarum, & decimarum, quam ex eodem Oppido recipit, octo libras, quatuor solidos, & quatuor denarios Valentin. Duo vero Canonici Curati Ecclesiae Segobricen. solvant sex libras, quatuordecim solidos, & tres denarios pro medietate, ratione partis primitiarum, & decimarum, quas ex eodem Oppido recipiunt, quae sexdecim libris, octo solidis, & novem denariis aestimata fuit: ex eo, quod aequales portiones ex Massa communi nunc recipiunt. Applicatur praeterea viginti librae ex oblationibus, & emolumentis ex pede Altaris provenientibus. Universitas vero Oppidi praefati de Navajas solvat viginti libras, comprehensis illis nonaginta Regalibus, quae antea Rectori praefato solvebat: sitque obligata ad earum solutionem, ex eo quod primitiae Oppidi praefati ad praesentem dotationem non sufficiunt, nec etiam decimae, cum omnes simul ad valorem centum librarum, deductis oneribus, non ascendant. Quae omnes summae libras centum efficiunt, & pro dote praefatae Ecclesiae de Navajas, per praefatos contribuentes respective perpetuo, quolibet anno solvendae applicentur. Et in hac dotatione Dominus temporalis pro sua tertia decimarum parte non contribuit. Domus Joannis Canero, quae Ecclesiae contigua est expensis Universitatis mercetur, & reficiatur, prout designatum est, & Rectori pro ejus habitatione consignetur. Terrae vero, & redditus ad olim Mesquitam pertinentes, Ecclesiae praefatae applicati maneant.

*Heldo.*

Oppidum Heldo Domini temporalis Ducis de Segorb, & de Cardona constat centum, & decem domibus Christianorum nuper ad Fidem Catholicam converforum, & per Commissarios Apostolicos de anno 1534. ad petitionem S. C. C. Majestatis Imperatoris, Hispaniarum Regis a Sancta Sede Apostolica intermissos, fuit separatum, & dismembratum ab Ecclesia Cathedrali, & Parochiali Segobricen., & in eo Parochialis Ecclesia erecta sub invocatione San-

cti Joannis Baptistae, & dotata de triginta libris in redditibus, quindecim videlicet, quas Dux praefatus de Segorb super certis, & securis redditibus consignandas solveret, & quindecim ex decimis, & primitiis dicti Oppidi defumendis, & Duci praefato fuerunt consignati redditus ad Mesquitam olim pertinentes, & jus patronatus dictae Rectoriae concessum cum obligatione Fabricae, & ornamenta praefata sustentandi. Sed ista dotatio nunquam sortita est effectum, cum Ducem praefatum nec quindecim libras consignasse, nec Fabricam, & ornamenta refecisse constat; nunc autem Presbyter mercenarius ab Ordinario deputatus, diebus Dominicis, & Festivis ad Oppidum praefatum se confert, quod a Civitate Segobricen. Leuca dimidiata distat ibique Missam celebrat, & doctrinam Christianam recitat Parochialis, & pro salario oblationes, & emolumenta ex pede Altaris habet: Sex item libras, quas Universitas dicti Oppidi solvit; Oportet igitur, quod dicta Parochialis Ecclesia de Heldo dotetur de centum libris in redditibus quolibet anno, hoc videlicet modo, quod Fabrica Ecclesiae Cathedralis, & Parochialis Segobricen. solvat tresdecim libras, sex solidos, & octo denarios, ratione partis primitiarum, quam ex eodem Oppido recipit, quae eadem quantitate aestimata est. Mensa Episcopalis Segobricen. solvat viginti octo libras, quinque solidos, & septem denarios ratione partis fructuum primitiarum, & decimalium, quam ex eo capit Oppido, quadraginta libras, octo solidis, & uno denario, facta legitima liquidatione aestimata. Archidiaconus major Segobricen. solvat sex libras, quatuordecim solidos, & quinque denarios, videlicet: duas libras, sexdecim solidos, & septem denarios ratione Undenae partis decimarum ad suam dignitatem pertinentes, & tres libras, septemdecim solidos, & decem denarios, ratione alterius partis primitiarum, & decimarum ad dignitatem pertinentis, quae partes insimul valoris sunt novem librarum, undecim solidorum, & undecim denariorum. Theaurarii dignitas Segobricensis Ecclesiae solvat tres libras, septemdecim solidos, & decem denarios ratione partis decimarum, & primitiarum, quam ex eodem Oppido recipit, quinque libras, undecim solidis, & uno denario aestimata. Duo vero Canonici Curati Segobricen., solvant septem libras quindecim solidos, & sex denarios pro medietate quilibet eorum, videlicet tres libras, decem, & septem solidos, & novem denarios, ratione partis primitiarum, & decimarum, quam ex eo Oppido recipiunt, quae undecim libras, duobus solidis, & tribus denariis aestimata est. Applicatur praeterea viginti librae ex oblationibus, & emolumentis ex pede Altaris provenientibus. Universitas vero Oppidi de Heldo solvat viginti libras monetae Valentin. pro eadem dote, comprehensis illis sex libris, quas antea eidem Rectori solvebat, ex eo, quod primitiae, & decimae Oppi-

Oppidi praefati ad praesentem dotationem non sufficiunt, nec ad valorem centum librarum ascendunt, ad quas viginti libras Rectori praefato quolibet anno solvendas Universitas praefata, & Jurati se obligarunt, actu recepto per Notarium infra scriptum die 28. Mensis Junii anno 1596. Quae omnes summae libras centum efficiunt, & pro dote dictae Parochialis de Heldo, ejusque Rectoris perpetuo per praefatos contribuentes, quolibet anno respective solvendae, applicentur, & in hac dotatione Dominus temporalis pro sua tertia parte decimarum non contribuit. In Ecclesia Sacristia adificetur, & Domus, quae designata est, expensis Universitatis mercetur, & reficiatur; Rectorique pro ejus habitatione, & residentia assignetur. Terrae vero, & redditus ad olim Mesquitam pertinentes, Ecclesiae applicati maneant.

*Castell nou.*

Oppidum Castell nou centum septuaginta constat domibus Christianorum nuper ad Fidem Catholicam converforum, & quinquaginta veterum Christianorum: omnes sunt ducentae, & viginti domus: ejus Ecclesia est Vicaria perpetua antiqua ab Ecclesia Cathedrali Segobricen. separata: sunt in ea Parochia duae Ecclesiae altera sub Invocatione Adorationis Regum Magorum, in quam veteres Christiani concurrunt, & est principalis; altera sub invocatione S. Jo. Baptistae, ad quam noviter conversi pro Divinis Officiis audiendis, & Sacramentis suscipiendis conveniunt, & in utraque Vicarius perpetuus Dominicis diebus, & Festivis per se Missam celebrat, & in Ecclesia S. Joannis, quae olim fuit Maurorum Mesquita, doctrinam Christianam noviter conversos docet, qui etiam aliquando quibusvis festivis diebus principalibus in Ecclesia Regum Magorum praefata divinis officiis interfunt. Habetque Vicarius praefatus pro salario viginti quinque libras, quas Scholaster Ecclesiae Cathedralis Segobricen. impendit. Est autem Scholasteria quoddam collativum officium in eadem Ecclesia antiquitus ab Episcopo, & Capitulo institutum ad docendum, & examinandum Magistros, quod multis abhinc annis desit in usu esse: cui annexae sunt primitiae Oppidi Castell nou, ex quibus tertia pars auctoritate Apostolica applicata est distributionibus quotidianis in Choro Ecclesiae Segobricen., & unum tritici Cascium datur a Scholastero Archidiacono majori jure visitationis pile. At vero nunc denuo, auctoritate Apostolica, primitiae praefatae de Castell nou fuerunt unitae Massa communi Capituli Ecclesiae Segobricen., relictis tantum quinquaginta libris praefato Scholasterio. Oportet, quod praefatae Vicariae dos ad centum usque libras in redditibus augeatur, addanturque ei aliae septuaginta quinque librae hoc videlicet modo: Quod Scholaster, qui nunc est, ultra eas viginti quinque libras, quas antea solvebat Vicario praefato, Bull. Rom. Tom. V. Par. II.

solvat alias quindecim libras, omnes quatuordecim libras ratione omnium primitiarum, quas ex eo Oppido colligit, quae valoris sunt centum librarum, sex solidorum, & sex denariorum. Mensa Episcopalis Segobricen. solvat sexdecim libras, decem, & novem solidos, & quatuor denarios, ratione partis fructuum decimalium, quam ex eo Oppido recipit, valoris centum, & octuaginta duarum librarum, octo solidorum, & duorum denariorum; Mensa Capitularis Ecclesiae Segobricen. solvat novem libras, sex solidos, & octo denarios ratione partis decimarum ad ipsam pertinentes, quae centum libris, sex solidis, & sex denariis aestimatur. Archidiaconus major Segobricen. solvat libram unam, & quatuordecim solidos ratione Undenae partis decimarum ad suam dignitatem pertinentes, quae decem, & octo libris, quatuor solidis, & decem denariis aestimatur. Applicatur praeterea pro dote dictae Vicariae duodecim librae ex redditibus ad olim Mesquitam pertinentibus. Applicentur etiam viginti librae ex oblationibus, & emolumentis ex pede Altaris provenientibus, quae in Oppido praefato satis uberes sunt. Et quomodocumque, & quomodocumque dictam Scholasteriam vacare contigerit, & praedicta unio primitiarum Capitulo Segobricen. facta, sortita fuerit effectum, praefatum Capitulum Segobricen. teneatur solvere illas quadraginta libras: viginti quinque videlicet antiquas, & quindecim modernas, quas praefatus Scholaster nunc solvere tenetur, si tamen primitiae ad id sufficiant, & Cascium Tritici Archidiacono majori ratione visitationis pile: ita quod Scholaster, qui pro tempore fuerit, habeat quinquaginta libras pro sua dotatione, auctoritate Apostolica, facta, libera, & immunes ab hujusmodi contributione: quae omnes summae libras centum efficiunt, & pro dote dictae Vicariae, ejusque Vicarii perpetui, per praefatos contribuentes, respective quolibet anno, perpetuo solvendae, applicentur. In hac vero dotatione, neque Dominus temporalis pro sua tertia decimarum parte, neque distributiones quotidianae Chori Ecclesiae Segobricen. contribuunt. Quoquo vero modo praefatam Scholasteriam vacare contigerit, Capitulum Segobricen., quod succedit in fructibus, ultra praefatas quadraginta libras, solvat alias quindecim libras: Omnes erunt triginta quinque librae pro dotatione Ecclesiae praefatae de Castell nou, & eo casu dictae quindecim librae a portionibus contribuentium, ratione decimarum dumtaxat in praesenti dotatione, pro rata minuantur, sintque contribuentes liberi ab illarum solutione pro sua quisque parte. Quoniam vero Terrae, & Arborea, quae ad olim Mesquitam pertinebant, & nunc Ecclesiae applicatae sunt, in posse, & administratione Universitatis dicti Oppidi reperiuntur, quae duodecim libras tantum pro illarum compositione solvit Ecclesiae, cum revera majori pretio aestimetur, cavetur, ne per applicatio-

cationem dictarum duodecim librarum, presentis dotationi superius factam, aliquod præjudicium Ordinario Segobricen., inferatur, quominus Terras, & Arbores præfatas a præfata Universitate repetere, & recuperare possit; & quia Ecclesia adorationis Regum admodum vetus est, angusta, & conqussata, nec veteres Christianos capit, quantominus etiam novos, quando in eam conveniunt, tum etiam Ecclesia Sancti Joannis, quæ olim fuit Maurorum Mesquita, angusta est, & pro vetustate minatur ruinam; oportet, quod nova ædificetur Ecclesia utriusque Populi capax, prout designatum est, & quæ fuerat olim Mesquita, diruatur, & Domus, quam Rector nunc obtinet, reficiatur.

*Almedixer.*

Oppidum Almedixer septuaginta quatuor continet domus Christianorum nuper ad Fidem Catholicam converforum. In eo Parochialis est Ecclesia antiqua sub invocatione S. Michaelis: habet pro annexis Oppida Soneja quadraginta domorum, & Azuevar decem, & octo domorum, & Chova quindecim domorum noviter ad Fidem converforum; omnes centum quadraginta septem domus, Rector Dominicis, & Festivis diebus duas celebrat Missas alteram in Oppido Almedixer, alteram in Ecclesia de Soneja, ad quam conveniunt habitatores de Azuevar, & Chova, habetque pro dote, & salario viginti quinque libras monetæ Valentis, quas succentor Ecclesie Segobricen, ei quolibet anno ab antiquo impendit, & alias decem libras, quæ nuper ab Ordinario ei auctæ fuerunt, & ab eodem Succentore solvuntur. Est autem Succentoria collativum officium in Ecclesia Segobricen, ab Episcopo, & Capitulo antiquitus institutum, ut succentor præsit canentibus in Choro ad *Faciolum*, cui annexæ fuerunt primitiæ dictorum quatuor Oppidorum, quæ de jure divino Parocho debentur. Et quoniam Oppidum Soneja ab Oppido Almedixer duabus leucis asperimi itineris, & Oppida Azuevar, & Chova Leuca una distant, nec eorum habitatores possunt a Rectore de Almedixer, prout par est, in Fide Catholica instrui, & doctrinam Christianam edoceri; necesse est, quod hæc tria Oppida a Parochiali de Almedixer separentur, & in Oppido Soneja Parochialis Ecclesia erigatur noviter, prout infra dicetur, & quod dos Ecclesie de Almedixer ad centum usque libras augeatur in redditibus, hoc videlicet modo: quod Succentor Ecclesie Segobricen, ultra illas viginti quinque libras antiquas Rectori de Almedixer solvebat, solvat alias quinque libras, omnes triginta libras, ratione omnium primitiarum, quas ex eo Oppido colligit, quæ valoris sunt quinquaginta novem librarum cum dimidia, facta diligenti liquidatione. Mensa Episcopalis Segobricen, solvat triginta libras, & sex solidos ratione partis decimarum, quam ex eo Oppido recipit,

septuaginta duabus libris, duobus solidis, & quinque denariis æstimatam. Mensa Capitularis solvat sexdecim libras, tresdecim solidos, & quatuor denarios ratione partis earumdem Decimarum, quam recipit Archidiaconus major Segobricen, solvat tres libras, & octo denarios ratione Undenæ partis Decimarum ad suam dignitatem pertinentis. Applicantur præterea octo libræ ex redditibus ad olim Mesquitam pertinentibus, in eodem Oppido, qui valoris ejusdem sunt. Applicantur etiam duodecim libræ ex oblationibus, & emolumentis ex pede Altaris provenientibus, quæ omnes summæ centum libras efficiunt, & pro dote dictæ Parochialis Ecclesie de Almedixer, ejusque Rectoris, per præfatos contribuentes respective quolibet anno perpetuo solvendæ applicantur. In hac dotatione Dominus temporalis præfati Oppidi pro sua tertia parte decimarum non contribuit. Ecclesia ampliatur, & Sacristia, & Domus, in qua Rector commode habitet, ædificentur expensis Universitatis. Terræ vero, & redditus ad olim Mesquitam pertinentes, Ecclesie applicati maneant, & ipsa olim Mesquita, quæ adhuc restat, funditus evertatur.

*Soneja, Azuevar, Chova.*

Oppida Soneja, Azuevar, & Chova septuaginta tribus constant domibus noviter ad Fidem converforum, præter Chova, quod decem domus habet veterum Christianorum: annexa sunt Ecclesie Parochiali Oppidi de Almedixer; Et quoniam Soneja duabus Leucis asperimi itineris, & Oppida Azuevar, & Chova, leuca una simili itinere, a Parochiali de Almedixer distant, nec eorum habitatores a Rectore de Almedixer possunt, ut par est, in Fide Catholica instrui, & doctrinam Christianam edoceri: Oportet, quod hæc tria Oppida a dicta Parochiali de Almedixer separentur, & separata maneant, & in Oppido Soneja Ecclesia Parochialis erigatur, & erecta maneant, quemadmodum per Commissarios Apostolicos de Anno 1534. fuit erecta, & dotata de triginta libris ex decimis, & primitiis, quamvis talis erectio, & dotatio numquam fuit sortita effectum: habeat suum proprium Rectorem, qui residentiam faciat personalem, & teneatur diebus Dominicis, & Festivis duas celebrare Missas, alteram in Ecclesia de Soneja, quæ est sub invocatione S. Michaelis; alteram in Ecclesia de Azuevar, & Chova, alternis vicibus, ita ut, quando eam celebraverit in Oppido Azuevar, habitatores de Chova, quamvis leuca una sint remoti, teneantur ad illam audiendam accedere, & e contra: sic enim, ut possibilitas fert, Oppidis parvis, & in desertis locis consistentibus, provilum est; Et quod Parochialis de Soneja dotetur de centum libris in redditibus, hoc videlicet modo: quod Succentor Ecclesie Segobricen, præter illas decem libras, quas ex decreto ordinarii pro augmento solvebat Rectori de Almedixer, quæ in dotationem Eccle-

Ecclesie de Soneja transferuntur, solvat alias decem libras Rectori de Soneja, omnes erunt viginti libræ, ratione omnium primitiarum, quas ex his tribus Oppidis colligit, quæ æstimatæ sunt septuaginta una libræ, tresdecim solidis, & novem denariis. Mensa Episcopalis solvat quadraginta octo libras, novem solidos, & octo denarios ratione partis decimarum, quam ex Oppidis capit, octuaginta sex libræ, septemdecim solidis, & decem denariis æstimatam. Mensa Capitularis solvat viginti sex libras, tresdecim solidos, & quatuor denarios ratione partis earumdem decimarum, quam recipit valoris quadraginta septem librarum, quindecim solidorum, & decem denariorum. Archidiaconus major Segobricen, solvat quatuor libras, septemdecim solidos, ratione Undenæ partis decimarum ad suam dignitatem pertinentis; quæ omnes summæ libras centum efficiunt, & pro dote dictæ Parochialis Ecclesie de Soneja, ejusque Rectoris per præfatos contribuentes respective quolibet anno perpetuo solvendæ applicantur: Et in hac dotatione Domini temporales pro sua tertia decimarum parte non contribunt. Et quoniam in Oppido Soneja terræ, & arbores ad Mesquitam pertinentes sunt plurimæ, & in posse Domini temporales reperiuntur, qui eas colit, & fructus retinet, qui viginti libras æstimantur, curandum est, ut per Judicem regia auctoritate ad id deputatum, summarie elucidentur, & recuperentur; Quod cum fuerit factum, illarum valor in redditibus ipso facto, presentis dotatione applicatus maneant, & a portionibus in ea contribuentium, ratione decimarum dumtaxat, pro rata minuatur. Sintque sic contribuentes ab illius solutione pro sua quique portione liberi, & immunes. In Oppido Soneja Sacristia reficiatur, & domus, in qua Rector residens habitet, quæ designata est Ecclesie contigua, expensis universitatis meretur, & reficiatur, & eidem Rectori consignetur.

*Sot.*

Oppidum Sot Domini temporales D. Jacobi Ferrer Gubernatoris Valentis, quinquaginta quatuor continet domos noviter ad Fidem Catholicam converforum. In eo Parochialis Ecclesia est antiqua sub invocatione Conceptionis B. V. Mariæ dotata suis primitiis, quæ valoris sunt quinquaginta librarum monetæ Valentis, & præterea de viginti libris, quas Dominus præfatus temporalis Rectori etiam consignavit in dotem super quodam censuali, quæ nunc etiam exiguntur cum obligatione celebrandi... Missas qualibet septimana, pro quibus viginti libris in redditibus, auctoritate Apostolica fuit illi concessum jus patronatus dictæ Rectoriæ, & cum obligatione distrahendi ducentas libras in utilitatem Fabricæ, & ornamentorum Ecclesie præfate. Oportet, quod præfata dos ad centum usque libras augeatur, addanturque alia triginta

*Bull. Rom. Tom. V. Par. II.*

libræ in redditibus hoc videlicet modo: Quod Mensa Episcopalis Segobricen, solvat septem libras, quinque solidos, & quinque denarios ratione decimarum, quas ex eo Oppido colligit, quæ valoris sunt quinquaginta unius librarum, decem solidorum, & quatuor denariorum. Mensa Capitularis solvat quatuor libras, quæ decimas capit, æstimatione viginti octo librarum, sex solidorum, & octo denariorum. Archidiaconus de Alpuente Segobricen, Ecclesia solvat quatuordecim solidos, & septem denarios ratione Undenæ partis decimarum. Applicantur præterea octo libræ ex redditibus ad olim Mesquitam pertinentibus, qui ejusdem sunt valoris, & decem libræ ex oblationibus, & emolumentis provenientibus ex pede Altaris. Quæ omnes summæ libras centum efficiunt, & pro dote dictæ Parochialis de Sot, ejusque Rectoris, per contribuentes præfatos respective quolibet anno perpetuo solvendæ applicantur: & quoniam primitiæ dicti Oppidi a die concessionis juris patronatus præfati in triplum, Domino benedicente, auctæ sunt, & dos præfata Parochialis ad centum libras nunc augetur, ex redditibus merè ecclesiasticis, ad quos si datio Domini temporales de viginti libris cum dicta obligatione comparatur, parvi est momenti: propterea jus patronatus dictæ Parochialis de Sot, de hinc ad Episcopum Segobricen, tamquam Ordinarium, & ad Dominum temporalem, præfati Oppidi Sot, pertineat, alternis vicibus, & prima vice Episcopus præsentet, & instituat Rectorem; Ecclesia, quæ pene diruta est, in eodem situ reædificetur cum Sacristia, juxta formam traditam, & domus pro Rectoris habitatione expensis etiam Universitatis construatur. Terræ vero, & redditus ad Mesquitam olim pertinentes, Ecclesie applicati maneant.

*Vall de Almonacir, Ayr, & Algimia.*

Oppidum Ayr Vallis de Almonacir, Domine Joannæ Enriquez de Cabrera Comitissæ de Aranda, centum, decem, & octo continet domos Christianorum nuper ad Fidem Catholicam converforum: est Vicaria perpetua dictæ Vallis de Almonacir per Commissarios Apostolicos instituta in ejus Ecclesia sub invocatione Conceptionis B. Mariæ Virginis. Habet pro annexis Oppidum Algimia quinquaginta sex domorum, quod ab Ayr quarta parte Leuca distat, nam alia duo annexa Almedimilla, & Alfandiguilla diruta sunt. Vicarius perpetuus, qui in Civitate Segobricen, residet, diebus Dominicis, & Festivis duas celebrat Missas, alteram in Ecclesia de Ayr, alteram in Ecclesia de Algimia sub invocatione S. Joannis Baptistæ: Habetque pro salario triginta septem libras, quarum viginti solvit Infirmarius Ecclesie Segobricen, qui primitias dictorum locorum integras colligit: octo libras Mensa Episcopalis: quatuor libras Canonatus Segobricensis Ecclesie Officio S. Inquisitionis Valentis auctoritate

K k k a

Apo.

Apostolica, applicatus pro decimis, quas recipiant, & quinque libræ ex redditibus olim Mesquitæ. Est autem Infirmaria Officium collativum ab Episcopo, & Capitulo Segobricen. antiquitus institutum, cuius usus & exercitium multos ab hinc retro annos exolevit, eique fuerunt annexæ primitiæ istorum Oppidorum, & aliorum, quæ potius Parocho de jure divino debentur; sed Apostolica auctoritate, quocumque modo vacaverit dicta Infirmaria, Massæ communi Capitulo Segobricen. Ecclesiæ ejus fructus uniti fuerunt, relictis quinquaginta libris tantum dicto Infirmario, qui pro tempore fuerit. Oportet, quod prædicta Vicaria perpetua dotetur de aliis sexaginta tribus libris ad complementum centum librarum in redditibus, hoc videlicet modo: quod Infirmarium præfens, vel Capitulum Segobricen. Ecclesiæ, quod succedit in fructibus, ultra illas viginti libras monetæ Valentiniæ, quas antea solvebat, solvat alias viginti libras: omnes quadraginta libræ: rationi dictarum primitiarum, quas integras recipit, & valoris sunt centum viginti novem librarum. Mensa Episcopalis, ultra illas octo libras, quas antea solvebat, solvat decem, & septem libras, & decem solidos, & omnes viginti quinque libræ, & decem solidi ratione partis decimarum, quam recipit, valoris centum quinquaginta septem librarum, septem solidorum, & duorum denariorum. Canonici Officio S. Inquisitionis applicatus, qui & dicitur de Torme, ultra illas quatuor libras, quas antea solvebat, solvat decem libras; omnes quatuordecim libræ; ratione partis decimarum, quam recipit, quæ octuaginta sex libris æstimatur. Archidiaconus Major Segobricen. solvat duas libras, & decem solidos ratione Undenæ partis decimarum ad suam dignitatem pertinentis. Applicatur præterea ex redditibus olim Mesquitæ, qui ad valorem viginti novem librarum, septem solidorum, & duorum denariorum quolibet anno ascendunt, tresdecim aliæ libræ, quæ cum quinque libris, quæ antea defumebantur, erunt decem, & octo libræ, quæ omnes summæ libras centum efficiunt; quæ pro dote præfate Vicariæ, ejusque Vicarii perpetui, per præfatos contribuentes respectivè quolibet anno perpetuo solvendæ applicantur; & in hac dotatione Domina temporalis dictorum Locorum pro sua tertia parte decimarum non contribuit. Quocumque vero modo præfata Infirmaria vacare contigerit, Capitulum Segobricen. Ecclesiæ, quod succedit in fructibus primitiæ præfatis, ultra præfatas quadraginta libras teneaturolvere præfenti dotationi alias viginti libras: omnes erunt sexaginta libræ. Itaut eidem Officio Infirmarie relinquatur præfata quinquaginta libræ, auctoritate Apostolica eidem assignatæ, liberæ, & immunes ab hujusmodi contributione: quæ viginti libræ eo casu a portionibus contribuentium in hac dotatione, ratione decimarum dumtaxat, minuantur pro rata, sicutque sic contribuentes libe-

ri ab illarum solutione pro sua quisque portione; Et quoniam Infirmarium præfatum quolibet anno unum tritici Cascium Archidiacono Majori Segobricen. ratione visitationis Pilæ, seu Fontis Baptismalis Vicariæ perpetuæ totius Vallis de Almonacir; & ab ea fuit dismembrata Rectoria Oppidorum Gayviel, & Matet, & suis primitiis dotata: Rector de Gayviel teneaturolvere, ut æquum est, saltem tertiam partem dicti Tritici Cascii, & reliquas duas partes Capitulum, quod succedit in fructibus. In Oppido Ayc Domus, quæ extat Vicarii perpetui, reficiatur, & Sacristia construat, & in Oppido Algimia Sacristia etiam construat juxta formam traditam. Terræ vero, & redditus, qui ad Mesquitam olim pertinebant, Ecclesiis respective applicati maneant.

*Gayviel, & Matet.*

Oppidum Gayviel quinquaginta quatuor continet Domus Christianorum noviter ad fidem Catholicam conversorum, cujus Dominus temporalis est D. Joannes Garces de Hæredia; separatim fuit a Vicaria perpetua Vallis de Almonacir per Commissarios Apostolicos de Anno 1534., & in eo Parochialis Ecclesia erecta sub Invocatione S. Petri Apostoli: datumque fuit illi pro annexo Oppidum Matet, quod triginta Domibus constat; duodecim noviter conversorum, & decem, & octo veterum Christianorum; & a Gayviel distat dimidia Leuca. Fuit dotata de primitiis omnibus Oppidi Gayviel, quæ tunc temporis annexa erant Infirmario Ecclesiæ Segobricen. pro quibus tunc Infirmarium solveret sex libras quolibet Anno Rectori de Gayviel; & quocumque modo Infirmaria vacasset, ipso facto primitiæ præfate integræ dictæ Ecclesiæ Gayviel, ejusque Rectori manerent applicatæ in perpetuum, sicut postmodum contigit: Et de illis octo libris monetæ Valentiniæ, quas Domina Isabel de Hæredia tunc Domina d. Oppidi promittit Rectori quolibet annoolvere super redditibus dicti Oppidi Gayviel, consignatas sicut eas consignavit; pro quibus concessum fuit illi, & suis successoribus Juspatronatus dictæ Rectoriæ, cum obligatione etiam reficiendi, & sustentandi Fabricam, & ornamenta Ecclesiæ præfate de Gayviel. Applicati etiam, & consignati pro dote fuerunt omnes redditus ad Mesquitam de Gayviel olim pertinentes. Sed quoniam Dominus temporalis modernus recusavit præfatas octo libras Rectoriolvere, ex eo, quod super redditibus de Gayviel, quæ sunt Bona vinculo adstricta, non potuerunt consignari: desuperque lis fuit mota; Rector de Gayviel solum recipit primitiis de Gayviel integras, quæ facta legitima calculatione sexaginta octo libris, solido uno, & tribus denariis æstimantur; & redditus olim Mesquitæ, qui valoris sunt septem librarum, omnes sunt septuaginta quinque libræ, solidus unus, & tres denarii. Qua propter oportet, quod prædictæ doti addan-

addantur in redditibus viginti, & quatuor libræ, decem, & octo solidi, & novem denarii ad complementum centum librarum, hoc videlicet modo: quod Infirmarium Ecclesiæ Segobricen., vel Capitulum, quando in præmissis successerit, solvat decem libras ratione primitiarum, quas integre recipit ex Oppido Matet, quæ valoris sunt triginta quinque librarum, duorum solidorum, & sex denariorum. Applicantur, & consignantur octo libræ ex redditibus ad olim Mesquitam Oppidi Matet pertinentibus, qui quotannis decem, & octo libras valent. Applicantur præterea sex libræ, decem, & octo solidi, & novem denarii ex oblationibus, & emolumentis ex pede Altaris provenientibus dictorum duorum Oppidorum, quæ omnes summæ centum libras efficiunt, & pro dote dictæ Parochialis de Gayviel, ejusque Rectoris per præfatos contribuentes respectivè quolibet Anno perpetuo solvendæ, applicantur. Jus vero patronatus penes Ordinarium remaneat. Rector vero, qui in Oppido Gayviel nunc residet, Dominicis diebus, & festivis duas teneatur celebrare Missas alteram in Ecclesia de Gayviel, alteram in Ecclesia de Matet, quæ sub Invocatione S. Joannis Baptiste fundata est. In Ecclesia de Gayviel reficiatur Sacristia, prout notatum est; & Domus, in qua Rector habitat, ædificetur (in Porticu in quo nunc Jurati, & Consilarii Universitatis conveniunt) juxta formam designatam. Terræ vero, & redditus ad olim Mesquitam pertinentes, Ecclesiis respective applicati maneant, & Rectori, ut præfertur.

*Castell Montan.*

Oppidum Castell Montan remotum quidem, & in asperimis locis situm, domini temporalis Don Michael Valterra, quinquaginta continet Domus Christianorum noviter ad fidem Catholicam conversorum. In eo Parochialis Ecclesia est antiqua sub Invocatione S. Bernardi Abbatis; habetque pro annexis Oppida Villa nueva, & Fuent de la Reyna, quæ viginti octo Domibus constat Christianorum veterum, a Parochiali plusquam Leuca una asperi itineris distantia. Rector Dominicis diebus, & Festivis duas celebrat Missas, alteram in Ecclesia de Castell Montan, alteram in Ecclesia de Villanueva, ad quam habitatores de la Fuent de la Reyna conveniunt, & in Oppido de Villa nueva continuo residet. Habetque pro dote, & salario omnes primitias dictorum trium Locorum, & etiam quamdam partem primitiæ Terræ, quæ dicitur el Secresto, termini de Cercia, quæ omnes primitiæ centum librarum valorem excedunt. Et quoniam Oppida la Villa nueva, & Fuent de la Reyna multum a Parochiali distant, & a Christianis veteribus incoluntur, videtur, quod dismembrantur, cum suis primitiis a Parochiali Ecclesia de Castell Montan, & in Oppido la Villa nueva Ecclesia Parochialis erigatur, ut infra dicitur,

& quod Rector de Castell Montan remaneat cum primitiis ejusdem Oppidi, quæ valoris sunt quinquaginta librarum, & quod doteur de aliis quinquaginta libris in redditibus, hoc videlicet modo: quod Mensa Episcopalis Segobricen. solvat viginti quatuor libras, quatuor solidos, & decem denarios ratione partis primitiarum, quam ex eo Oppido recipit, valoris sexaginta octo librarum, unius solidi, & novem denariorum, Mensa Capitularis, & Massa ejus communis solvat tresdecim libras, sex solidos, & octo denarios pro parte primitiarum, quam accipit valoris triginta septem librarum, octo solidorum, & decem denariorum. Archidiaconus Major Segobricen. solvat duas libras, octo solidos, & sex denarios pro undena parte Decimarum ad suam Dignitatem pertinente, valoris sex librarum, sexdecim solidorum, & unus denarii. Applicantur præterea decem libræ ex redditibus ad olim Mesquitam pertinentibus, qui valoris sunt ejusdem, & in hac dotatione, Dominus temporalis pro sua tertia parte Decimarum non contribuit; quæ omnes summæ centum libras efficiunt, & pro dote Ecclesiæ præfate de Castell Montan, ejusque Rectoris per præfatos contribuentes respectivè quolibet Anno in perpetuum solvendæ, applicantur. In Ecclesia ædificetur Sacristia, & Domus competens pro Rectoris habitatione juxta formam, & statum designatum. Terræ vero, & redditus ad Mesquitam olim pertinentes, Ecclesiæ applicati maneant, hoc est Rectori, ut prædicatum est.

*Villa nueva, & Fuent de la Reyna.*

Oppida Villa nueva, & Fuent de la Reyna, quæ Domibus constat viginti octo veterum Christianorum, annexa sunt Ecclesiæ Parochiali de Castell Montan; & quoniam ab ea plusquam Leuca una distant, & asperissimi itineris, sintque inter se ad mediam Leucam vicina, & a veteribus Christianis habitata, nec propterea possint a Rectori de Castell Montan commode ministrari: oportet, quod a dicta Parochiali de Castell Montan separentur, & dismembrantur, separatæque, & dismembrata remaneant cum suis primitiis, & in Oppido la Villa nueva, quod viginti duabus Domibus constat, Parochialis Ecclesia noviter erigatur, & erecta maneat cum Sacratio, Sacristia, Fonte Baptismali, Campanili, cæterisque Parochialis Insigniis, & cum omni alio pleno jure, & privilegiis Ecclesiarum Parochialium, & cum suo proprio Parocho, & Rectore, qui residentiam faciat personalem in dicta Rectoria, & habeat pro annexo Oppidum Fuent de la Reyna sex Domorum, & Rector duas celebret Missas Dominicis, & festivis diebus; Alteram in Ecclesia de Villa nueva, alteram in Ecclesia Oppidi Fuent de la Reyna, & pro dote, & sustentatione dicti Rectoris applicantur omnes primitiæ dictorum duorum Oppidorum, quæ valoris sunt sexaginta li-

ta librarum, & etiam pars illa primitiarum Terræ del Sequestro Termini de Cerilla, quæ decem libris æstimatur, cum quibus, & obligationibus, & emolumentis, quæ proveniunt ex pede Altaris inter veteres Christianos, Rector se poterit commode sustentare. In Oppido Villa nueva Domus pro Rectoris habitatione ædificetur.

*Suburbium Villa Chelva, & Benaxuay.*

In Villa de Chelva, quæ insignis est, intra ipsius mœnia quoddam Suburbium a Christianis noviter ad fidem Catholicam conversis incolitur, centum viginti constans Domibus, quæ separato a Christianis veteribus Loco, & regimine, sunt connexa, & in eo Ecclesia sub Invocatione S. Crucis constructa est, annexa Parochiali Ecclesia de Chelva, quæ est sub Invocatione Virginis Mariæ Angelorum; sunt etiam eidem Parochiali annexa Oppida Benaxuay quadraginta quinque Domorum, & Calles sexaginta Domorum Christianorum noviter ad fidem converforum. Rector de Chelva, qui quingentis Domibus veterum Christianorum suæ Parochialis alias prædeditus est, unum Presbyterum mittit diebus Dominicis, & festivis, qui duas celebrat Missas; alteram in Ecclesia Suburbii præfati, in quam ejus Suburbii habitatores conveniunt; alteram in Ecclesia Oppidi Calles, quod media Leuca distat a Chelva, & habitatores pro salario præfati Presbyteri nonaginta regalia monetæ Castellæ, & habitatores Benaxuay sex libras conferunt. Rector vero alteram Missam celebrat in Oppido Benaxuay eisdem diebus, quod Villa de Chelva est propinquum, & partem quasi tertiam primitiarum ex omnibus his locis colligit, quæ quadringentis libris æstimatur. Et quoniam Suburbium præfatum, propter plebis multitudinem, & Oppidum Calles propter Locum distantiam a Rectore de Chelva impossibile est administrari, & eorum habitatores in fide Catholica, prout par est, institui, oportet, quod a Parochiali Ecclesia de Chelva dismembratur, & dismembratum maneat, & in Suburbio præfato, Ecclesia Sanctæ Crucis in Parochialem erigatur, & erecta maneat cum Sacratio, Sacristia, Fonte Baptismali, Campanili, cæterisque Parochialis insigniis, & cum omni alio pleno jure, & privilegiis Parochialium Ecclesiarum, & cum suo proprio, & perpetuo Parocho, & Rectore, qui teneatur in ea residentiam facere personalem, doteturque de centum libris in redditibus quolibet anno: hoc videlicet modo. Quod Rector de Chelva solvat decem, & novem libras, sex solidos, & octo denarios, ratione partis primitiarum, quam ex eisdem Oppidis colligit, quæ valoris est centum, & octuaginta quinque librarum, septem solidorum, & unius denarii. Rector Parochialis Oppidi Tuexa solvat novem libras, tresdecim solidos, & quatuor denarios ratione partis primitiarum, quam ex eisdem Oppidis col-

ligit, valoris nonaginta duarum librarum, tresdecim solidorum, & octo denariorum; Dominus temporalis Villa de Chelva solvat quinque libras ratione tertie partis Novennarum primitiæ præfata, quam recipit, valoris viginti quinque librarum. Mensa Episcopalis Segobricen. solvat sex libras, unum solidum, & tres denarios pro parte primitiarum, quam etiam recipit. Decanus Ecclesiæ Segobricen. solvat tres libras, sex solidos, & octo denarios pro parte earundem primitiarum, quam colligit. Et quoniam post obitum Petri Ramirez moderni Decani, fructus d. Decanatus, auctoritate Apostolica uniti sunt Massæ communi Capituli Ecclesiæ Segobricen., relictis quingentis libris tantum pro Decano futuro, & successoribus, fructus autem præfati mille, & centum libris æstimantur: quodcumque præfata unio sortita fuerit effectum, Decanus, & Capitulum solvant pro medietate d. tres libras, sex solidos, & octo denarios, videlicet Decanus triginta tres solidos, & quatuor denarios, & Capitulum similes triginta tres solidos, & quatuor denarios, ratione, qua supra. Archidiaconus de Alpuente Ecclesiæ Segobricen. solvat duodecim solidos, & unum denarium ratione Undenæ partis Novennarum ejusdem primitiæ, quæ valoris est sexaginta octo librarum, duodecim solidorum, & octo denariorum. Applicatur præterea decem libras, quas Universitas Oppidi Calles promissit, & se obligavit voluntarie solvere quotannis Rectori Suburbii præfati, comprehensis illis nonaginta Regalibus, quæ antea solvebat, actu recepto per infra scriptum Notarium sub die 1. Julii Anni 1596. Applicatur etiam sexdecim libras, quas Universitas præfati Suburbii, & habitatores Benaxuay voluntarie se obligarunt, & promiserunt solvere quotannis in subventionem præsentis dotationis, videlicet Suburbium decem libras, & Benaxuay sex. Item applicatur viginti libras ex redditibus olim Mesquite d. Suburbii, qui ad valorem triginta librarum, quolibet anno ascendunt. Ultimo applicatur decem libras ex oblationibus, & emolumentis ex pede Altaris provenientes, quæ in dicto Suburbio uberes sunt. Quæ omnes summæ centum libras efficiunt, quæ pro dote Ecclesiæ Suburbii præfati, ejusque Rectoris per contribuentes præfatos, respective quolibet anno in perpetuum solvenda, applicantur. Et in ista dotatione non contribuit dimidia pars primitiarum, quæ, auctoritate Apostolica, fuit applicata distributionibus quotidianis Chori Ecclesiæ Segobricen. Et quoniam Rector de Chelva in præfato Suburbio recipit dimidiam partem decimæ Nucum, Carosæ, Canani, & Leguminum, cum alteram dimidiam partem recipiat Vicecomes de Chelva, propter præsentem dotationem non præteritur derogare juri Rectoris de Chelva circa hoc, nec jus tribuere Rectori d. Suburbii. Rector vero diebus Dominicis, & festivis, duas teneatur celebrare Missas, alteram in Ecclesia Suburbii, alteram in Ecclesia Oppidi Cal-

Calles, & utriusque Habitatores in fide Catholica solenter erudire. Oppidum vero Benaxuay maneat annexum Parochiali de Chelva, & Rector Dominicis festivis diebus teneatur in eo, quod propinquum est, alteram celebrare Missam in Ecclesia Sanctæ Mariæ de Lorito, & Habitatores noviter conversos in fide Catholica ibidem instruere. In Ecclesia Suburbii, quæ capax est, ædificetur Sacristia, & Domus, quæ eidem Ecclesiæ contigua est, vel altera congruens Rectori ad habitandum assignetur. Terra vero, & redditus olim Mesquite Ecclesiæ applicati maneat. Cœmeteria vero antiqua Saracenorum vendantur, & applicentur Fabricæ Ecclesiæ Sanctæ Crucis.

*Buenaexe.*

Oppidum Buenaexe, Domini temporalis de Chelva, quadraginta sex continet Domos noviter ad fidem converforum, in profundissima Valle ad rivum juriam sitas. Fuit per Commissarios Apostolicos dismembratum a Parochiali de Chelva, & traditum pro annexo Parochiali de Tuexa, & Rectori de Tuexa applicata fuerunt pro labore, & cura illius triginta libras, quindecim ex primitiis, & quindecim ex Decimis, sed nunc a Rectore de Domeno ministratur, qui aliquando ad Oppidum Buenaexe ad Missam celebrandam se confert, & pro salario servitii utriusque Oppidi, viginti quinque libras a Succentore Sedis Segobricen. recipit, & quoniam Oppidum Buenaexe ab Oppido Tuexa, leuca una itineris asperrius distat, & est in Loco Deserto, & pene inaccessiblei, oportet, quod a Parochiali de Tuexa dismembratur, maneatque ex nunc dismembratum, & in eo Parochialis Ecclesia noviter erigatur, erectaque maneat sub Invocatione Conceptionis B. V. Mariæ, cum Sacratio, Sacristia, Fonte Baptismali, Campanili, cæterisque Parochialis Insigniis, & cum omni alio pleno jure, & privilegiis Parochialium Ecclesiarum, & cum uno Parocho, & Rectore, qui in ea faciat residentiam personalem, & quod dotetur de centum libris: hoc videlicet modo. Quod Succentor Sedis Segobricen. solvat ex nunc quindecim libras ratione omnium primitiarum, quas ex eo Oppido colligit, valoris quadraginta octo librarum, undecim solidorum. Dominus temporalis, videlicet Vicecomes de Chelva solvat duas libras ratione partis Novennarum dictæ primitiæ, quam recipit. Mensa Episcopalis Segobricen. solvat triginta quinque libras, tres solidos ratione partis primitiarum, & decimarum, quam ex eo Oppido recipit, valoris sexaginta septem librarum, decem, & octo solidorum, & octo denariorum. Decanus Ecclesiæ Segobricen. solvat decem, & novem libras, sex solidos, & octo denarios ratione partis primitiarum, & Decimarum, quam ex eo Oppido recipit, valoris triginta septem librarum, septem solidorum, & quatuor denariorum. Et quodcumque unio fructuum Decanatus præfati Massæ communi Capituli

Ecclesiæ Segobricen., auctoritate Apostolica facta, per obitum Petri Ramirez moderni Decani sortita fuerit effectum, tunc Decanus, & Capitulum præfatum pro medietate solvant dictas decem, & novem libras sex solidos, & octo denarios, quorum alter quingentas libras, alterum sex centas ex dd. fructibus recipit. Archidiaconus Altipontis Ecclesiæ Segobricen. solvat tres libras, decem solidos, & quatuor denarios eadem ratione. Rector de Chelva, qui pingues reportat primitias, & tenebatur olim præfato Oppido deservire, solvat quatuordecim libras. Rector vero de Tuexa, qui a labore d. Oppidi exoneratus, & propter illud ex Decimis, & primitiis auctus fuit, solvat septem libras. Applicatur præterea quatuor libras ex redd. tibus olim Mesquite, qui ejusdem sunt valoris. Quæ omnes summæ centum libras efficiunt, quæ pro dote Ecclesiæ præfate noviter erectæ de Buenaexe, ejusque Rectoris per præfatos contribuentes respective quolibet Anno in perpetuum solvendi applicantur. Cum quibus, & dimidia parte decimæ Nucum, Carosæ, Canani, & Leguminum, quæ ad Rectorem pertinet, Rector congrue se sustentare, poterit; & quocumque modo dicta Succentoria vacaverit, ipso facto primitiæ de Buenaexe ab ea dismembrata existant, & applicata in perpetuum Rectori de Buenaexe: & eo casu Rector de Buenaexe, teneatur respondere quolibet Anno decem libras monetæ Valentini Succentori præfato, ne nimium dispendium patiantur, & eo etiam casu viginti libras de portionibus contribuentium in præsentis dotatione, ratione Decimarum dumtaxat pro rata minuantur, & contribuentes respective ab illarum solutione sint liberi, pro sua quisque parte, sicut etiam Succentor præfatus immunitas erit a solutione illarum quindecim librarum, quas nunc solvere tenetur. In Oppido Buenaexe ædificetur nova Ecclesia cum Sacristia, & Domus pro Rectoris habitatione competens juxta formam, & situm designatum, expensis Universitatis. Redditus vero olim Mesquite Rectori, ut prædicatur, applicati maneat.

*Domeno, & Loriguilla.*

Oppidum Domeno domini temporalis Vicecomitis de Chelva, septuaginta quatuor continet Domos noviter ad fidem converforum. In eo Parochialis Ecclesia est antiqua sub Invocatione Sanctæ Catharinæ Martyris: Habet pro annexo Oppidum Loriguilla quinquaginta Domorum noviter ad fidem converforum, quod a Parochiali dimidia Leuca distat. Rector in Villa de Chelva residet, & Dominicis diebus, & festivis, tenetur celebrare duas Missas, alteram in Ecclesia de Domeno, alteram in Ecclesia de Loriguilla, quæ est sub Invocatione Sancti Joannis Baptiste, & pro dote, & sustentatione habet viginti quinque libras, quas Succentor Ecclesiæ Segobricen. solvit, tam pro servitio dictorum Oppidorum, quam pro

pro servitio de Buenaxeve, ut supra dictum est. Oportet, quod dotetur, & dotata maneat prefata Ecclesia de Domeno de aliis septuaginta quinque libris ad complementum centum librarum, hoc videlicet modo. Quod Succentor prefatus ultra illas viginti quinque libras, quas antea solvebat, solvat nunc decem alias libras, & omnes erunt triginta quinque libras, ratione primitiarum, quas ex eisdem Oppidis colligit; Quæ centum quinque libris, tribus solidis, & uno denario æstimantur. Dominus temporalis solvat quatuor libras, septem solidos, & septem denarios ratione partis Novenorum dictæ primitiæ, quam recepit. Mensa Episcopalis Segobricen. solvat triginta tres libras, quatuor decim solidos, & duos denarios, ratione partis primitiæ, & decimarum, quam ex eisdem Oppidis recipit, valoris centum quadraginta octo librarum, septemdecim solidorum, & sex denariorum. Decanus Ecclesiæ Segobricen. solvat decem, & octo libras, decem solidos, & decem denarios, ratione partis primitiæ, & decimarum, quam recipit, valoris octuaginta unius librarum, quindecim solidorum, & septem denariorum. Et quodcumque unio fructuum Decanatus prefati Massæ communi Capituli Ecclesiæ Segobricen., auctoritate Apostolica, facta per obitum Petri Ramirez moderni Decani, sortita fuerit effectum, tunc Decanus, & Capitulum prefatum pro medietate solvant dictas decem & octo libras, decem solidos, & decem denarios, quorum alter quingentas libras, alterum sexcentas ex dd. fructibus recipit. Archidiaconus Alti-Pontis Segobricen. Ecclesiæ solvat tres libras, septem solidos, & quinque denarios eadem ratione. Applicantur præterea quinque libras ex dimidia parte Decimarum Nucum, Carrofe, Canemi, & Leguminum, que ad Rectorem spectat, & eo pretio æstimatur. Quæ omnes summæ libras centum efficiunt, quæ pro dote dictæ Parochialis de Domeno, ejusque Rectoris per prefatos contribuentes respectively quolibet Anno in perpetuum solvendæ applicantur; & quoquo modo dicta Succentoria vacare contigerit, successor in ea teneatur ultra prefatas triginta quinque librasolvere alias quindecim Rectori de Domeno, omnes erunt quinquaginta libras. Et eo casu dictæ quindecim libras de portionibus contribuentium in præfenti dotatione, ratione Decimarum dumtaxat pro rata minuatur, itaut contribuentes ab illarum solutione sint liberi pro sua quicunque portione. In Oppido Domeno Sacrificia edificetur, & Domus pro Rectoris habitatione, quæ designata est, consignetur, & reficiatur expensis Universitatis, & Ecclesiæ Oppidi de Loriguilla reficiatur, & ampliatur, extraturque Sacrificia, prout designatum fuit. Terræ vero, & redditus ad olim Mesquitas utriusque Oppidi pertinentes, Ecclesiis respectively maneat applicati. Catalogus eorum, qui contribuent. Mensa Episcopalis, Mensa Capitularis, Fabrica Cathedralis Segobricen., Universitates

Oppidorum, Domini temporales, Rectores quorundam Locorum, redditus olim Mesquite, Archidiaconus major, Thesaurarius, Archidiaconus Alti-Pontis, Decanus, Infirmarius, Scolaster, Succentor, duo Canonici Curati, Canonatus S. Officii, alias de Torme, Episcopatus Segobricen. in dotatione Parochialium Oppidorum eorum, qui nuper ad fidem fuerunt conversi, tam ex antiqua obligatione, quam ex nova dotatione de centum libris de anno 1599. Mensa Episcopalis ex antiqua obligatione solvit Parochiali de Ayr octo libras 8. Ex nova dotatione solvit Parochialibus trecentas octo libras, quatuordecim solidos, & quatuor denarios 308. 14. 4. Fabrica Cathedralis Segobricen. solvit ex nova dotatione sexaginta tres libras, undecim solidos, & tres denarios 63. 11. 3. Mensa Capitularis ex nova dotatione solvit Parochialibus septuaginta libras, præter eas, quas propter executionem Massæ communisolvere debet 70. Universitates Oppidorum ex antiqua obligatione solvunt Parochialibus viginti novem libras, & quinque solidos 29. 5. Ex nova dotatione solvunt eisdem triginta sex libras, & quindecim solidos 36. 15. Dominus temporalis ex nova dotatione solvit Parochialibus undecim libras, septem solidos, & decem denarios 11. 7. 10. Rectores quorundam Locorum ex nova dotatione quinquaginta libras solvunt Parochialibus 50. Redditi olim Mesquite ex antiqua obligatione solvunt duodecim libras 12. Ex nova dotatione solvunt eisdem Parochialibus octuaginta tres libras 83. Archidiaconus major ex nova dotatione solvit triginta quinque libras, tresdecim solidos, & sex denarios 35. 13. 6. Thesaurarius ex nova dotatione solvit duodecim libras, quinque solidos, & duos denarios 12. 8. 2. Archidiaconus Alti-Pontis ex nova dotatione solvit octo libras, quatuor solidos, & quinque denarios 8. 4. 5. Decanus ex nova dotatione solvit Parochialibus triginta septem libras, decem & septem solidos, & sex denarios: post executionem vero Massæ communis minorem quantitatem solvet, prout in libro 37. 17. 6. Infirmary ex antiqua obligatione solvit viginti libras 20. Ex nova dotatione solvit eisdem Parochialibus viginti libras, & post executionem Massæ communis nihil contribuet 20. Scholaster ex antiqua obligatione solvit viginti quinque libras 25. Ex nova dotatione solvit quindecim libras, & post executionem Massæ communis nihil contribuet 15. Succentor ex antiqua obligatione solvit Parochialibus sexaginta libras 60. Ex nova dotatione solvit eisdem Parochialibus quadraginta libras 40.

Duo

Duo Canonici Curati solvunt ex nova obligatione quatuordecim libras, novem solidos, & octo denarios 14. 9. 8. Canonatus S. Officii Inquisitionis solvit ex antiqua obligatione quatuor libras 4. Ex nova dotatione solvit decem libras 10. Quam quidem præfertam per me factam, & designatam formam ad Sanctitatem Vestram, ejusque Sanctam Sedem Apostolicam transmittit, ut quod magis ad Dei laudem, & eorumdem noviter conversorum utilitatem, ac aliarum Ecclesiarum indemnitate spectare Sanctitas Vestra cognoverit, statuere, decernere, & ordinare dignetur, cujus Sanctissimis Pedibus humiliter, demissoque animo provolutus S. V. Beneficentiam, & Patrocinium humiliter imploro. In quorum omnium, & singulorum fidem præfentes manu mea subsignatas, Sigillique mei impressione munitas, & per Notarium infra scriptum subscriptas expedivi Literas. Segobricæ die 5. Mensis Julii Anno a Nativitate Domini 1599. Felicianus Episcopus Segobricen. Loco Sigilli. De mandato d. Domini mei Episcopi, Jacobus Sylvester de Urbina Notarius Scriba. §. 4. Nos autem ad ea, quæ Catholica fidei conservationem &c. prout in præcedenti usque ad finem.

Dat. die 28. Maii 1602. An. XI.

Datum Romæ apud Sanctum Petrum, sub annulo Piscatoris die 28. Maii 1602. Pont. Nostri Anno XI.

CCLXXIX.

Ex Regest. in Secret. brev.

In idem Argumentum pro Dicecesi Oriolen.

CLEMENS PAPA VIII.

Ad futuram rei memoriam.

Apostolici muneris &c., cetera ut in præcedenti.

§. 1. Alias siquidem pro parte clari mei Philippi II. ut supra.

Episcopus Oriolensis undecim parochias erigit, fundatque.

§. 2. Cum autem, sicut nuper pro parte charissimi in Christo filii nostri Philippi Hispaniarum Regis Catholici, ac Ven. Fratris Josephi Stephani Episcopi Oriolen, nobis expositum fuit, idem Josephus Episcopus mandatis nostris hujusmodi obediens, & pastoralis officii sui debitum adimplere procurans, totis viribus incumbens, universa Oppida suæ Dicecesis Oriolen, quæ noviter conversi hujusmodi, & seu eorum descendentes incolunt, perlustraverit, & his omnibus, & singulis, quæ pro debita mandatorum nostrorum executione, & prædictorum noviter conversorum in vera, & Catholica fide instructione, expedire visa fuerunt, maturius consideratis, ac diligenti cura perpenis, considerans in ejus Oriolen Dicecesi, in qua undecim noviter conversorum hujusmodi Oppida, ut inferius de-

signabitur, continentur, ut Neophiti prædicti simili, & communi omnium instructione, Fidei Catholicæ præceptis imbui, & Fidei hujusmodi incrementa suscipere valeant, fieri oportebat; eapropter normam Venerabilis Fratris Archiepiscopi Valentini, qui vigore dictarum Gregorii XIII. literarum diversas Parochiales Ecclesias, & Vicarias instituit, insequendo, erectiones, fundationes, divisiones, distinctiones, dotiumque jam factarum, & attributarum, ac reddituum, & proventuum Parochialium Ecclesiarum, & Vicariarum hujusmodi in ejus Diceces. in hanc, quæ sequitur, formam designavit, videlicet.

Sanctissimo D. N. Clementi VIII. Josephus Stephanus Episcopus Oriolen., devota, & humilis Sanctitatis Vestre Creatura post Pedam oscula beatorum, salutem, & sinceram obedientiam. Accepi Literas S. V., seu earum transumptum in forma Brevis ad preces, & supplicationem Philippi II. Hispaniarum Regis Catholici expeditas in hanc videlicet formam.

Litteræ Episcopi ad Pontificem hæc sunt.

In Nomine Sanctissimæ, & individuae Trinitatis &c. ut in præcedenti.

Refert litteras sibi a Pontifice dictas. Obtemperando Pontificis mandatis.

Ex quibus plane Sanctitatis Vestre Literis ingenos Philippi II., cujus memoria in benedictione est, cura, & ardens desiderium eluxit, ut Valentini Regni recentiores Christiani a Mauris descendentes in vera Christi Fide, & Religione instituerentur, & nefaria sectæ Mahometanæ errores abjicerent. Eadem sollicitudo in Philippo III. Parentis sui, non tam Regnorum, quam etiam Religionis herede conspicitur. Qui statim ac Regnorum suorum habenas accepit, nihil magis habuit in votis, quam ut omnes Episcopi hujus Regni in hanc curam incumberent, niterenturque eosdem Neophitos Christianos instituere, & in Fide Catholica, & Religione imbuerent. Vestra quoque Beatitudinis ardor, & pietas aperte conspicitur, cum paterno zelo, & caritate eo incumbitis, ut Presbyteri Literis, & Religione probati singulis Oppidis Maurorum præponantur, qui ibi curam Animarum exercent, & suo exemplo, & pietate prædictos Mauros ad fidem, & pietatem traducant. Quare, cum studium Sanctitatis Vestre mandatis, & Philippi II. voluntati obsequi, & Philippi III. desiderio satisfacere, capi hoc munus mihi a Sanctitate Vestra injunctum diligenter suscipere, & eo studio prosequi, ut facilius, & commodius hujusmodi Parochiales Ecclesiæ institui potuissent. Quæ interim dum cogito, recordor, superioribus diebus, Licentiatum Felicianum de Figueroa Pracentorem, & Canonicum Ecclesiæ Valentini, virum industrium, & in rebus gerendis expertem, & jam alias virtute, moribus, & doctrina probatum, ut Regis desiderio obsequeretur, hæc prius diligenti cura pervestigasse, & una cum Joanne Baptista Fornerio, Canonico Oriolensi, meo officiali, & Vicario generali, & ad id specialiter deputato, omnes redditus, fructus, & emolumenta, quæ ad dictarum Parochia-